

四庫全書

集部

欽定四庫全書

集部

文苑英華卷二百七至

詳校官太僕寺少卿_臣李廷欽

助教_臣常循覆勘

總校官進士_臣朱鈐

校對官編修_臣盧燧

謄錄監生_臣王叔愚

欽定四庫全書

文苑英華卷二百七

宋 李昉等 編

樂府十六

梁甫吟三首

白頭吟三首

遊子吟五首

妾薄命九首

妾安所居一首

宛轉歌三首

古興九首

古曲一首

古歌一首

古詞五首

梁甫吟

陸瓊

臨淄佳麗地，少小習名倡。
似笑唇朱動，非愁眉翠揚。
掩抑隨竿轉，和柔會瑟張。
輕扇屢迴指，飛塵亟遠梁。
寄言諸葛相，此曲作難忘。

同前

沈約

龍駕有馳策，日御不一作無停陰。
星籥亟迴變，氣化坐盈

侵。寒花稍耿耿，秋海一作塞日沉沉。
高窓仄一作仄餘火傾

河。駕騰參飈風，折暮草驚籜一作竿。
霄層林時雲，靄空遠

年冰一作淵水結清深奔樞豈易紐殊庭不可臨懷仁每多

意履順孰能禁露清一唯促緩志且移心哀歌步梁甫

歎絕有遺吟一作音

同前

李白

長嘯梁甫吟何時見陽春君不見朝歌屠叟辭棘津八

十西來釣渭濱寧羞白髮照清一作綠水逢時吐一作壯氣

思經綸廣張三千六百鈞一作鈞風期暗與文王親大賢

虎變愚不測當年頗似尋常人又一作君不見高陽酒徒

起草中長揖山東隆準公入門開說

一作不拜

騁雄辯兩女

輟洗來趨風東下齊城七十二指旄楚漢如旋蓬狂生

落魄

見鄜食其傳

尚如此何況壯士當羣雄我欲攀龍見明

主雷公砰訇震天鼓帝旁投壺多玉女三時大笑生

一作

開電光倏爍晦冥起風雨閭闔九門不可通以額叩關

闔者怒白日不照吾精誠祀國無事憂天傾狹狷磨牙

競人肉騶虞不折生草莖手接飛猱搏彫虎側足焦原

未言苦智者可卷愚者豪世人見我輕鴻毛力排南山

三壯士齊相殺之用

一作費

二桃吳楚弄兵非

一作無

劇孟

亞夫哈爾為徒勞梁甫吟聲正悲張公兩龍劍神物合

有時風雲感會起屠釣天

一作大

人峴岬當安之

白頭吟

張正見

平生懷直道

一作白首

松桂比真貞

一作貞

風語默妍媸際沉浮

毀譽中讒新恩易盡情去寵難終彈珠金市側抵玉秦

山東含香老顏駟執戟異揚雄惆悵崔亭伯幽憂馮敬

通王媵沒故

一作胡

塞班女棄深宮春苔封履跡秋葉奪

粧紅顏如花落槿鬢似雪飄蓬此時積一作長歎少一

傷年誰復同

同前

劉希夷文粹作宗之問

洛陽城中桃李花飛來飛去落誰家洛陽一作幽閨女兒好

顏色行逢落花長歎息今年花開顏色改明年花開復

誰在已見松柏摧為薪更聞桑田變成海古人無復洛

陽東今人還對落花風年年歲歲花相似歲歲年年人

不同寄言全盛紅顏子應憐半死白頭翁此翁白頭真

可憐憶昔紅顏美少年
光祿池臺文錦繡
將軍樓閣畫神仙
公子王孫芳樹下
清歌妙舞落花前
一朝卧病無相識
三春行樂在誰邊
宛轉蛾眉能幾時
須臾鶴髮亂如絲
但看古來歌舞地
惟有黃昏鳥雀飛

一作悲

同前

李白

錦水東北流
波蕩雙鴛鴦
雄巢漢宮月
雌弄春草芳
寧同萬死碎
綺翼不忍雲間兩
分張此時阿嬌正
嬌妬獨坐長門愁
日暮但願君恩顧
妾深豈憚黃金買
詞賦相

如作賦得黃金丈夫好新多異心一朝將聘茂陵女文
君因贈白頭吟東流不作西歸水落花辭條羞故林兔
絲本無情隨風任傾倒誰使女蘿枝而來強縈抱兩草
猶一心人心不如草莫卷龍鬚席從他生網絲且留瓊
珀枕會有夢來時覆水再收豈滿杯棄妾已去難重迴
古來得意不相負只今惟見青陵臺

遊子吟

顧况

故樞思疲馬故窠思迷禽浮雲蔽我鄉躑躅遊子吟遊

子悲久滯浮雲鬱東岑客堂無絲桐落葉如秋霖
躑蹰哉

遠遊子所以悲滯淫一為浮雲詞憤塞誰能禁
馳歸一

作一

曄

百年內惟願展所欽胡為不歸歟坐使年病侵未老

霜遶鬢非狂火燒心大行何難哉北斗不可斟夜靜星

河出耿耿辰與參佳人負青天尺素重於金沈寥羣動

異眇默諸境森苔衣上閒階蟋蟀催寒碓立身計幾悞

道險無容針三年不還家萬里遺錦衾夢魂無重阻離

憂固古今胡為不歸歟辜負匣中琴腰下是何物牽纏

曠登尋朝與名山期夕宿楚水陰楚水殊演漾名山宵
嶇欽客從洞庭來婉孌瀟湘深橘柚在南國鴻雁遺其
音下有碧草洲上有青橘林引燭窺洞穴凌波睥天琛
蒲荷影參差鳧鶴雛淋泮浩歌惜芳杜散髮輕華簪胡
為不歸歟淚下沾衣襟鳶飛戾霄漢螻蟻制鱸鱠赫赫
大聖朝日月光照臨聖主雖啓迪吾人分湮沉層城登

一作發

雲韶王

一作玉

府鏘球琳鹿鳴志豐草况復虞人箴

同前

李益

女羞夫婿薄客耻主人賤遭遇同衆流低回愧相見君
非青銅鏡何事空照面莫以衣上塵不為心如練人生
當榮盛待士勿言倦君看白日馳何異弦上箭

同前

孟郊

慈母手中線遊子身上衣臨行密密縫意恐遲遲歸誰
言寸草心報得三春暉

同前

陳陶

棲鳥喜林曙驚蓬傷歲闌關河三尺雪何處是天山朔

風無重衣僕馬飢且寒慘戚別妻子遲回出門難男兒
值休明豈是長泥蟠何者為木偶何人侍金鑾鬱鬱守
貧賤悠悠亦無端進不圖功名退不處巖巖窮通在何
日光景如跳丸富貴苦不早令人摧心肝誓期春之陽
一振摩霄翰

同前

聶夷中

萱草生堂階遊子行天涯慈親倚門堂不見萱草花

妾薄命篇

梁簡文帝

名都多雅麗

一作麗

質本自恃容姿蕩子行不

一作未

至秋胡

無定期玉貌歇紅縷

一作臉

長嚙慣翠眉奩鏡迷朝色針

縫

一作縫

脆故絲本異搖舟咎何關竊虎疑生離誰拊背

溘死詎來遲王嬙貌本絕踉蹌入氍毹盧姬嫁日晚非

復妙

一作少

年時轉山猶可逐

一作遂

烏白望難期妾心徒

自苦旁人會見嗤

同前

劉孝威

去年從越障

一作障

今歲沒胡庭嚴霜封碣石驚沙暗井

欽定四庫全書

卷

文苑英華

七

墜玉簪久落鬢羅衣長掛屏浴蠶思洙

洙一作漆

水挑桑憶

鄭垞寄書朝鮮吏留釧武安亭勿言戎夏隔但令

念一作

心契冥不見豐城劍千祀復同形

同前

劉元淑

自從離別守空閨遙聞征戰赴

起一作

雲梯夜夜相思

作一

思君又作愁君

遼海北

外一作

年年拋

棄一作

妾渭橋西陽春白日

照空暖紫燕紅

一作

花向庭滿彩鸞琴裏怨聲多飛鵲

鏡前梳粧斷誰家夫婿久

一作不

從征應是漁陽別有情

莫道紅顏燕地少家家還似洛陽城且逐新人殊未歸

還令秋至夜霜飛北斗星前橫旅一作度鴈南樓月下擣

寒衣更一作夜深聞鴈腸欲絕獨夜挑燈燈復滅暗啼羅

帳空自憐夢度陽關向誰說每吟一作憐容貌宛如神何

其一作如何薄命不如人願君朝夕燕山至好作明年楊柳

春

同前

李白

漢帝重阿嬌貯之黃金屋咳唾落九天隨風生珠玉寵

極愛還歇妬深情却踈長門一步地不肯暫回車雨落
不上天覆水最難一作難再收君情與妾意各自東西流昔
日芙蓉花今成素秋草以色事他人能得幾時好

同前

權德輿

昔住邯鄲年尚少只是嬌羞弄花鳥青樓碧紗大道邊
綠楊日暮風裊裊嬋娟玉貌二八餘自矜一作憐顏色花

不如麗質全勝秦氏女藻碁寧用專城居歲去年來年

漸長青蛾

一作春

紅粉全堪賞玉樓珠箔但閒居南陌東

城詎來往韶光日月看漸遲標梅既落行有時寧知燕
趙娉婷子翻嫁幽并游俠兒年年結束青絲騎出門一
去何時至秋月空懸翡翠簾春幃懶卧鴛鴦被沙塞經
時不寄書深閨愁獨意何如花前拭淚情無限月下調
絃一作琴恨有餘別離苦多相見少洞房愁夢何由曉閒
看雙燕淚霏霏靜對空床夢悄悄鏡裏紅顏不自禁陌
頭香騎動春心為問佳期早晚是人人總解有黃金

同前

孟郊

不惜十指弦為君千萬彈常恐新聲至

一作發

坐使故聲

殘

一作使我故曲殘

棄置今日悲即是昨日歡將新變故易將

故為新難青山有蘼蕪淚葉常不乾空令後世

一作人代

采掇幽思攢

一作思幽蘭

同前

曹鄴

薄命常惻惻出門見南北劉郎馬蹄疾何處去不得淚珠不可收蟲絲不可織知君綠桑下更有新相識

同前

盧綸

妾年初二八兩度嫁狂夫薄命今猶在堅貞掃地無

同前

孟郊

薄命頭欲白頻年嫁不成秦娥未十五昨日事公卿豈
有機杼力空傳歌舞名妾專脩婦德媒氏却相輕

妾安所居

曹鄴

賤妾先無寵蛾眉進不遲一非西北麗無復南城期何
因暫艷逸豈為乏妍姿徒有黃昏望寧遇青樓時惟惜
應門掩方除永巷悲匡床終不共何由橫自私

宛轉歌

江總

七夕天河白露明八月濤水秋

一作青

風驚樓中恒聞哀

曲響塘上復有苦辛行不解何意悲秋氣直置

一作無致

秋悲自生不怨前堦促織鳴偏愁別路擣衣聲別燕差

池自有返離蟬寂寞詎含情雲聚含

一作懷

清四望臺月

冷相思九重觀欲題芍藥詩不成來採芙蓉花已散金

樽送曲韓娥起玉柱調絲

一作弦

楚妃勸

一作歎

翠眉結恨

不復開寶鬢迎秋度

一作風

前亂湘妃拭淚灑貞筠行樂

玩花

一作筵
藥浣衣

何處人步步香飛金薄履盈盈扇掩珊瑚

唇已言採桑期陌上復能解珮就江濱競入華堂要花

枕爭開羽帳奉華茵不惜獨眠前下鈞

一作鈞

欲許便作

後來薪後來暝暝同匡

一作玉

牀可憐顏色無比方誰能

巧笑時

一作特

窺井乍取新聲學遶梁宿處留嬌墮黃珥

鏡前含笑弄明璫卷施摘心心不盡茱萸折葉葉更芳

已聞能歌洞簫賦詎是故愛邯鄲倡

擬古神女宛轉歌二首

崔液

風已清月朗琴復鳴掩抑悲千態殷勤是一聲歌宛轉
宛轉和更一作且長願為雙鴻鵠比翼共翱翔

二

日已暮長簷鳥應度此時望君君不來此時思君君不
顧歌宛轉宛轉那能異棲宿願為形與影出入恒相逐

古興二首

沈徽

蔓草自細微女蘿始天天蚤緣至百尺榮耀非一朝惠
色高碧嶺流芳薄丹青如何摧秀木正為餘波漂莖朝

一作葉

落巖跡英蕤從風颺
洪柯不足恃况乃託陵茗

二

長門

一作安

富豪右信是天下樞
戚里笙歌發禁門
冠蓋

趨攀雲無愧士唾地盡成珠
日晏下雙闕烟花亂九衢
恩榮在片言零落亦須臾
何意還自及曲池今已無

同前三首

冠坦母趙氏

鬱蒸更將半暑氣煽飛閣驟雨滿
空來當軒卷羅幕度
雲開夕霽宇宙何清廓
明月流素光輕風換炎鑠
孤鸞

傷對影實瑟瑟別鶴君子去不還
搖心欲何託

二

金菊延清霜玉壺多美酒良久

疑作人

猶不歸芳菲豈常

有不惜芳菲歇但傷別離久含情罷斟酌凝怨對窓牖

三

霽雪舒長野寒雲半幽谷嚴風振枯條猿啼抱冰木
所嗟遊宦子少小荷天祿前程未云至悽愴對車僕歲寒
成詠歌日暮棲林樸不憚行險道空悲年運促

同前

常建

輓轡井上雙梧桐飛鳥銜花日將沒深閨女兒莫愁年
玉指泠泠怨金碧石榴裙裾蛺蝶飛見人不語顰蛾眉
青絲紅絲雜綠絲織成錦衾當為誰

同前

薛據

日中望雙闕疑軒蓋揚飛塵鳴珮初罷朝自言皆近臣
光華滿道路意氣安可親歸來宴高堂廣筵羅八珍僕
妾盡綺羅歌舞夜達晨四時固相代誰能久要津已看

覆前車未見易後輪丈夫須兼濟豈得樂一身君今皆
得志肯顧顯頰人

同前

李嘉祐

十五小家女雙鬢人不知一作如蛾眉暫一見可直千萬

資一作金餘自從得向蓬萊裏出入金輿乘玉趾梧桐樹上

春鷓鳴曉伴君王猶未起莫道君恩長不休婕妤團扇
苦悲秋君看魏帝鄴都裏惟有銅臺漳水流

同前

聶夷中

片玉一塵輕粒粟山丘重唐虞貴民食祇是勤播種前
聖後聖同今人古人共一歲如苦飢金玉何所用集作將何

古曲

王 褒

青樓臨大道遊俠盡淹留陳王金被馬秦女桂為鈎馳
輪洛城巷鬪雞南陌頭薄暮飛塵起聊為清夜遊

古歌

沈佺期

落葉流風向玉臺寒釭愁

一作夜寒秋

思洞房開水晶簾外

金波下雲母窓前銀漢迴玉階陰陰苔蘚色君王履綦

難再得旋

一作璇

閨窈窕秋夜長繡戶徘徊明

一作秋

月光

燕姬綵帳芙蓉色秦女金爐蘭麝香北斗七星橫夜半

清歌一曲斷君腸

古詞

衛象

鵲血調弓濕未乾鷓鴣新淬劍光寒遼東老將鬢成雪
猶向旄頭夜夜看

同前三首

于鵠

素絲帶金地窓間掬飛塵偷得鳳凰釵門前乞行人

二

新長青絲髮啞啞言語點隨人敲銅鏡街頭救明月

三

東家新長兒與妾同時生並長兩心熟到大相呼名

同前

曹 鄴

高闕礙飛鳥人言是君家經年不歸去愛妾面生花妾
面雖有花妾心非女蘿郎君不自重重一作妾欲如何

文苑英華卷二百七

欽定四庫全書

文苑英華卷二百八

宋 李昉等 編

樂府十七

陌上桑三首

採桑八首

折楊柳十六首

梅花落十首

殿前生桂樹一首

芳樹十一首

採蓮十六首

採菊一首

採菱三首

青青河畔草二首

陌上桑

吳均

嫋嫋陌上桑，蔭陌復垂塘。長條映白日，細葉影一作隱。

一作鸞

黃蠶飢妾復，思拭淚且提筐。人去如一作寧知此，離恨煎

人腸。

同前

王筠

人傳陌上桑，未曉已含光。重重相蔭映，軟弱一作軟自芬

芳。秋胡始倚一作停馬，羅敷未滿筐。春蠶朝已老一作伏，安

得久彷徨。

同前

李白

遊女綉綺衣春還事蠶作五馬如花飛青絲結金絡不
知誰家子調笑來相謔妾本秦羅敷玉顏艷名都綠條
映素手採桑向城隅使君且不顧况復論秋胡寒蟿愛
碧草鳴鳳棲青梧託心自有處但怪旁人愚徒勞一作
白日暮高駕空踟躕

採桑

梁簡文帝

春色映空來先發水

一作院

邊梅細萍重疊長新花歷亂

開連理傍淇水

一作連珂
往淇上

接憶至藪臺藪臺可憐妾當

窓望飛蝶忌跌行衫領熨斗成裙攝

一作襖攝
一作裙攝

下牀着

珠珮捉鏡安花鑷薄晚畏蠶飢競採春桑葉寄語採桑

伴訝今春日短枝高手不及葉細籠難滿年年

一作年少將

使君歷亂遣相聞欲知琴裏意還贈錦中文何當照梁

日還作入山雲重門皆已閉方知客留袂可憐黃金絡

復似青絲繫必也為人持誰令畏夫婿

同前

傅

緯

羅敷試採桑出入城南旁裙裾一作綺裾映珠珥一作繩籠絲籠一作

提玉筐度身攀葉聚聳腕及枝長空勞使君問自有侍

中郎

同前

張正見

春樓曙鳥驚蠶妾候初晴迎風金珥落白日玉釵明徒
顧移籠影攀鈎動釧聲葉高知手弱枝軟覺身輕人多
羞借問年少却逢迎恐疑夫壻遠聊復答專城

同前

劉邈

倡妾

一作女

不勝愁結束下青樓
逐伴西城路相携南陌

頭葉盡時移樹枝高乍易鈎絲繩挂

一作提

且脫金籠寫

仍

一作復

收蠶飢日欲暮誰

一作詐

為使君留

同前

沈君攸

南陌落光移蠶妾畏桑萎
逐便牽低葉爭多避小枝
摘駛籠行滿攀高腕欲疲
看金怯舉意求心自可知

同前

劉希夷

楊柳送行人青青入西秦
秦家採桑女樓上不勝春
盈

盈灞池

一作水

曲步步春芳
綠紅臉曜明珠
絳唇含白玉

回首渭橋東
遙憐樹色同
青絲映日落

一作嬌落日

綉綺弄

春風携籠長
歎息逶遲

一作迤

戀春色看花
若有情倚樹

疑無力薄暮思
悠悠使君南陌
頭相逢不相識
歸去夢

青樓

同前

李彥遠

一作暉

採桑畏日高
不待春眠足
攀條有餘態
那矜

一作憐

貌如

玉千金豈不贈
五馬空躑躅
何以變真性
幽篁雪中綠

同前

江遵

為報踟躕陌上郎
蠶飢日晚妾心忙
本來若愛黃金好
不肯携籠自採桑

折楊柳

梁簡文帝

楊柳亂如絲
攀折上春時
葉密鳥飛礙
風輕花落遲
城高短簫發
林空畫角悲
曲中別無一作無別意
併為一作是一

相思

同前

梁孝元帝

巫山

一作高山

巫峽長垂柳復垂楊同心且

一作宜

同折故人

懷故鄉山似蓮花艷流如明月光寒夜猿聲徹遊子淚

沾裳

同前

徐陵

娟娟河堤樹依依魏主營江陵有舊曲洛下作新聲妾
對長楊苑君登高柳城春還應共見蕩子太無情

同前

岑敬之

將軍始見知細柳繞營垂懸絲拂城轉飛絮上宮吹塞

門交度葉谷口暗橫枝曲城攀折處惟言怨別離

同前

王 璩

塞外無春色上林柳已黃枝影侵宮暗葉彩亂星光陌
頭藏戲鳥樓上掩新粧攀折思為贈心期別路長

同前

江 總

萬里音書絕千條楊柳結不誤一作悟倡園花遙同故里

一作天嶺雪春心自浩蕩春樹聊攀折共此依依情無奈年

年別

同前

楊炯

邊地迷

一作送

無極征夫去不還秋容彫翠羽別淚損紅

顏望斷流星驛心馳明月關橐砧何處在楊柳自堪攀

同前

盧照隣

倡樓啓曙扉園柳正依依鶯

一作鳥

啼知歲隔條變識春

歸露葉凝愁黛

一作啼臉

風花落

一作亂

舞衣攀折將安

一作聊將

寄軍中音

一作書

信稀

同前

沈佺期

玉窓朝日映羅帳春風吹拭淚攀楊柳長條匝地垂白
花飛歷亂黃鳥度參差妾自肝腸斷旁人那得知

同前

鄭 愔

青柳映紅顏黃雲蔽紫闌傳聞邊信出枝葉為君攀舞
腰愁欲斷春心望不還風花亂成雪羅綺淚斑斑

同前

喬知之

可憐濯濯春楊柳攀折將來就纖手妾容與此同盛衰
何必君恩能獨久

同前

張九齡

纖纖折楊柳，持取寄情人。
一枝何足貴，憐是故園春。
遲景那能久，流芳不及新。
更愁征戍客，容鬢老邊塵。

同前

魚玄機

朝朝送別泣，花鈿折盡春。
風楊柳烟，願得西山無樹木。
免教人作淚懸懸。

同前三首

王貞白

枝枝交影鎖長門，嫩色曾沾雨露恩。
鳳輦不來春欲盡。

空留鶯鳥語到黃昏

二

水殿年年占早芳
柔條風裏御爐香
如今萬乘多巡狩
輦路無陰綠草長

三

嫩葉初齊不耐寒
和寒時拂玉欄干
征人去日曾攀折
泣雨傷春翠黛殘

梅花落

吳均

終冬十二月寒風西北吹獨有梅花落飄蕩不依枝流
連逐霜彩散漫下冰澌何當與春日共映芙蓉池

同前二首

徐陵

臘月正月早驚春衆花未發梅花新可憐芬芳臨玉臺
朝攀晚折還復開長安年少一作小多輕薄兩兩常唱梅

花落蒲酌金杯一作

卮

催玉柱落梅樹下宜歌舞金谷萬

株連綺蕩梅花密處歲嬌鶯桃李佳人欲相照摘葉牽
花來並笑楊柳條青樓上輕梅花色白雪中明橫笛短

簫悽復切

一作咽

誰知柏梁聲不絕

二

對戶一株梅新花屢發材

一作落故裁

燕拾還蓮井風吹上

鏡臺倡家愁思妾樓上獨徘徊啼看竹葉錦笑

一作罷

未能

一作成裁

同前

陳後主

春

一作金

砌落芳梅飄飄上鳳臺拂粧疑粉散逐溜似萍

開映日花光動迎風香氣來佳人早插髻試立且徘徊

同前

張正見

芳梅映雲

一作雪

野發早覺寒侵落
遠香風急飛多花徑

深周人歎初標
魏帝指前林
邊城少灌木
折此自悲吟

同前二首

江總

標

一作縹

色動風香羅生枝已長
妖姬墮馬鬢未插江南

璫轉袖花紛落
春衣共有芳

一作光

羞作秋胡婦
獨採江

一作城
南桑

二

胡地少春來三年驚落梅偏疑粉蝶散乍似雪花開可
憐香氣歇可惜風相摧金鏡且莫頤玉笛幸徘徊

同前

楊炯

窓外一株梅寒花五出開影隨朝日遠香逐便風來泣
對銅鈎幃愁看玉鏡臺行人斷消息春恨幾徘徊

同前

盧照隣

梅院一作嶺花初發天山雪未開處處疑花滿花邊似雪

迴因風入舞袖雜粉向粧臺匈奴幾萬里春至不知來

同前

劉方平

新歲梅芳盡

一作芳梅樹

繁花一作苞

四面同春風吹漸落一

夜幾枝空少婦今如此長城恨不窮莫將遼海雪來此
後庭中

殿前生桂樹

陳陶

僊娥玉宮秋夜明桂枝拂檻參差瓊香風下天漏丁丁
牛渚翠梁橫淺清羽帳不眠恨吹笙棲鳥暗驚僊子落
步月髻雲墮金雀蕙樓涼簾翠波空銀縷香寒鳳凰薄

東海即為郎斟酌綺疏長懸七星杓

芳樹

梁元帝

芬芳君子樹交柯御宿園桂影含秋色

一作隨秋月

桃花

一作

色染春源落英逐風聚輕香帶藥翻藂枝臨北閣灌木

隱南軒交讓良宜重成蹊何用言

同前

沈約

發萼九華隈開跗塞路

一作露塞

側氛氲非一香參差多異

色宿昔寒飈舉摧殘不可識霜雪交橫至對之長歎息

同前

費昶

幸被夕風吹屢得朝光照枝低

一作偃

疑欲舞花開似含

笑長夜路悠悠所思不可召行人早旋返賤妾猶年

一作

年猶少

同前

顧野王

上林通建章雜樹遍林芳日影桃蹊色風吹梅逕香幽
山桂葉落馳道柳條長折榮遺路遠用表莫相忘

同前

張正見

奇樹舒春苑流芳入綺錢合歡分四照同心影一作萬影

年香浮佳氣裏葉映彩雲前欲識揚雄賦金含一作玉滿

甘泉

同前

丘遲

芳葉復莫莫

一作漢漢

嘉實復離離發景傍雲屋凝暉

一作輝

覆華池輕蜂掇浮穎弱鳥隱深枝一朝容色茂千春長

不移

同前

盧照隣

芳樹本多奇年華復在斯結翠成新幄開紅滿故一作舊

枝風歸花歷亂日度影參差容色朝朝落思君君不知

同前

徐彥伯

玉花珍簾上金縷一作鏤畫屏開曉月憐箏柱春風憶鏡

臺箏柱春風吹曉月芳樹落花朝暝歇橐砧刀頭未有
時攀條拭淚坐相思

同前

符子珪

芳樹宜三月瞳瞳艷綺年香交珠箔氣陰占綠庭烟小

葉風吹長繁花露濯鮮遂令穠李兒折取簪花鈿

同前

李叔卿

春看玫瑰樹西隣即宋家門深重暗葉墻近度飛花影
拂桃陰淺香傳李逕斜靚粧愁日暮流涕向窓紗

同前

羅隱

細萼一作藥慢逐風暖香間破鼻青帝固有心時時漏天

意一作動人意去年高枝猶壓地今年低枝已顛顛吾所以

見造化之權變通之理春夏作頭秋冬為尾循環反覆

無終已

一作反復
無窮已

人生長短同一軌若使威可以制力

可以止則秦皇不肯斂手下沙丘孟賁不合低頭入蒿

里伊人強猛猶如此顧我勞生何足恃但願我開素袍

傾綠蟻陶陶兀兀大醉於清宵

一作青冥

白晝間任他上是

天下是地

採蓮

梁簡文帝

採蓮歸綠水好沾衣桂舟蘭橈浮江花

一作碧水

江花玉面

兩相似蓮踈藕折香風起香風起白日低採蓮曲使君

迷

同前二首

吳均

採蓮渚窈窕舞佳人遊戲五湖採蓮歸發花田葉芳襲
衣為君艷一作濃歌世所希世所希有如玉江南弄採蓮

曲

二作採菱曲

菱歌女解珮戲江陽江陽稚女珠腕繩金翠低眉一作搖首
紅顏興桂棹容與歌採菱歌採菱心未移一作怡翳羅袖

望所思

同前

李康成

採蓮去月沒春江曙翠釵

釵一作鈿

紅袖水中央青荷蓮子

雜衣香雲起風生歸路長歸路長那得久各迴船兩搖手

同前

王勃

採蓮歸綠水芙蓉衣秋風起浪鳧鴈飛桂棹蘭橈下長浦羅裙玉腕搖輕櫓葉嶼花潭極望平江謳越吹相思

苦相思苦佳期不可駐塞外征夫猶未還江南採蓮今

已暮今已暮採蓮花渠今那必盡倡家官道城南把桑

葉何如江上採蓮花蓮花復蓮花花葉何重疊葉翠本

羞眉花紅強如頰佳人不在茲一作茲期悵望別離時牽花

憐共蒂折藕愛連絲故情無一作何處所新物徒華滋不

惜西津交珮解還羞北海鴈書遲採蓮歌有節採蓮夜

未歇正逢浩蕩江上風一有又值徘徊江上月徘徊蓮浦夜相逢

吳姬越女何丰茸共問寒光千里外征客關山路一作更

幾重

同前

閻朝隱

採蓮女採蓮舟春日春江碧水流蓮花

一作衣

承玉釧蓮

刺腎銀鈎薄暮歛容歌一曲氤氳香氣滿汀洲

同前

鄭愔

錦絳沙棠艦羅帶石榴裙綠縹采荷芰清江日稍曛魚
鳥爭唼喋花木相芬氛不覺芳洲暮棹歌處處聞

同前

徐元之

越艷荆姝慣採蓮
蘭橈畫楫滿長川
秋來江水澄如練
映水紅粧如可見
此時蓮浦珠翠光
此日荷風羅綺香
纖手周遊不暫息
紅英爛漫殊未極
夕鳥棲林人欲稀
長歌哀怨採蓮歸

同前

張敬徽

遊女泛江晴蓮紅
水復清競多愁
日暮爭疾畏船傾
波動疑釵落
風生覺袖輕
相看未盡意
歸浦棹歌聲

同前

賀知章

稽山罷霧鬱嵒峩鏡水無風也自波莫言春度芳菲盡
別有中流採芰荷

同前

李白

若邪溪邊一作傍採蓮女笑隔荷花共人語日照紅新一作

粧水底明風飄羅一作香袖空中舉岝上誰家遊冶郎三

三五五映垂楊紫駟嘶入落花去對此踟躕空斷腸

同前

儲光羲

淺渚荷一作荷花繁深塘菱一作潭菱葉踈獨往方自獲得一作

耻邀淇上姝廣江無阡陌

一作街陌

大澤絕方隅浪中海童

語流下鮫人居春荻

一作鴈

時隱舟新荷

一作萍

復滿湖采

采乘日暮不思賢與愚

同前

李頎

越溪女越溪蓮齊齒雙嬋娟嬉遊向何處採摘且同
船浩唱發容與清波生漪漣時逢島嶼泊幾伴鴛鴦眠
襟袖既盈溢馨香亦相傳薄暮歸去來苧蘿生碧烟

同前

張朝

朝出沙頭日正紅
晚來雲起半江中
賴逢隣女曾相識
並著蓮舟不畏風

同前

楊 衡

凝鮮霧渚夕陽艷
綠波風魚遊乍散
藻露重稍歆紅楚
客傷暮節吳娃泣
敗藂促令芳本固
寧望雪霜中

同前

方 干

採蓮女兒避殘熱
隔夜相期侵早發
指剝春葱腕似雪
畫橈輕撥蒲根月
蘭舟遲速有輸贏
先到河灣賭何物

繞到河灣分首去散在花間不知處

採菊

梁簡文帝

日精麗草散秋株洛陽小婦絕妍姝相喚提筐採菊珠
朝起露濕沾羅襦東方千騎從驪駒更不下山逢故夫

採菱女

費昶

妾家五湖口采菱五湖側玉面不闌粧一作翠雙眉本青
色日斜天欲暮風生浪未息宛在水中央空作兩相憶

同前

劉禹錫

白馬湖秋日紫光菱如錦綠鴛鴦翔

一作白馬湖平秋日光紫光菱如錦綠

翔盪舟遊女滿中央採菱不顧馬上郎爭多逐勝紛相

向時轉蘭橈破輕浪長鬟弱袂動參差釵影釧紋

一作

浮蕩漾笑語哇咬顧晚暉蓼花綠

一作綠

岼扣船

一作舡歸

歸來共到市橋步野蔓繁船萍惹

一作滿

衣家家竹樓臨

廣陌下有連檣多估客携觴薦芰夜經過醉蹋大堤相

應歌屈平祠下沅江水月照寒波白烟起一曲南音此

地聞長安北望三千里

同前

白日期何去青春只自矜艷歌呈幾曲江畔採新菱望
浦思同濟輕舟喜共乘翠一作葉將眉比色聲與調相應
蕩漾微波散清冷遠水澄更看池際影若對玉壺冰

青青河畔草

何遜

春蘭已應好折花望遠道秋夜苦復長抱枕向空牀吹
臺下促節不言於此別歌筵掩團扇何時一相見絃絕
猶依軫葉落裁下枝即此雖云別方我未成離

同前

沈約

漠漠牀上塵心中憶故人故人不可憶中夜長歎息歎
息想容儀不言長別離別離稍已久空牀寄杯酒

文苑英華卷二百八

卷二百八

文苑英華卷二百八

欽定四庫全書

文苑英華卷二百九

宋 李昉等 編

樂府十八

君馬黃三首

紫駟馬十三首

驄馬驅五首

驄馬八首

白馬十首

發白馬一首附

擬飲馬長城窟九首

走馬引二首

愛妾換馬一首

君馬黃二首

張正見

幽并重騎射征馬正

一作自

盤桓風去嘶聲

一作長嘶

遠冰堅

度足寒出關聊

一作徒

變色上坂屢停鞍即今隨御史非

復在樓蘭

二

五色乘馬黃追風時滅沒血汗染龍花胡鞍抱秋月惟
騰渥洼水不飲長城窟詎待燕昭王千金市駿骨

同前

蔡君知

君馬經

一作徑

西極臣馬出東方策舉

一作足策

浮雲影珂連

明月光水凍恒傷骨蹄寒為踐霜躊躇嗟伏檻空想欲
從良

紫駟馬

梁簡文帝

賤妾朝下機正遇良人歸青絲懸玉鐙朱汗染香衣

一作

金衣驟急珂彌響躡多塵亂飛彫玃一作胡幸可薦故人心

一作心君莫違

同前

梁元帝

長安美少年金絡鐵連錢鐵一作錦宛轉青絲鞵照耀珊瑚

鞭依槐復依柳蹀躞復隨前方逐幽并去西北共連翩

同前

陳暄

天馬汗如紅鳴鞍度九巖飲傷城下凍嘶依北地風葭

一作寒芳樹歇笛怨柳枝空橫行意未已羞住一作轂

車中

同前

李燮

紫燕忽踟躕紅塵起路隅圉人移首看騎士逐薜蘿三
邊追黠虜一鼓定強胡安用珂為玉自有汗成珠

同前

陳後主

嫖姚紫塞歸躑躅紅塵飛玉珂鳴廣路金絡耀晨暉蓋
轉時移影香動屢驚衣禁門猶未閉連騎莫一作恣相追

同前

徐陵

玉鐙繡纏繫金鞍錦覆幪風驚塵未起草淺埒猶空角
弓連一作穿兩兔珠彈落雙鴻日斜馳逐罷連翩還上東

同前

張正見

將軍入大宛善馬出從戎影絕乾河上聲流水窟中似

鹿猶依草如龍欲向空須還千萬里試為一追風

同前

獨孤嗣宗

倡樓望早春寶馬度城闈照耀桃花逕蹀躞採桑津金
羈麗初景玉勒染輕塵遠聽珂驚急知一作猶是畫眉人

同前

蘇子卿類聚作祖孫登

候騎指樓蘭長城向一作迴路難嘶從風處斷骨住水中

寒飛塵暗金勒落淚灑銀鞍抽鞭上關路誰念客衣單

同前

江總

春草正萋萋，蕩婦出金閨。
識是東方騎，猶帶北風嘶。
揚鞭出柳市，細蹠下金堤。
願君憐織絲，殘粧尚有啼。

同前

楊炯

俠客重周遊，金鞭控紫騮。
蛇弓白羽箭，鶴轡赤茸鞬。
發跡來南海，長鳴向北州。
匈奴今未滅，畫地取封侯。

同前

盧照隣

騮馬照金鞍，轉戰入臯蘭。
塞門風稍急，長城水正寒。
雪暗鳴珂重，山長噴玉難。
不辭橫絕漠，流血幾時乾。

同前

沈佺期

青玉紫駟鞍驕多影屢盤荷君能剪拂躩躩噴桑乾
足追奔易長鳴遇賞難擬金一萬里霜露不辭寒

驄馬驅

梁元帝

朔方寒氣重胡關饒苦霧白雪晝凝山黃雲夙

一作埋宿

樹連翩

一作驄

行後子終朝征馬驅試上金微山還看玉

關路

同前二首

劉孝威

十五官期門二十屯邊徼犀羈玉鏤鞍寶刀金錯鞘一
隨驄馬驅分受青蠅帛且令都護知願被將軍照誓使
羶衣鄉掃地無遺燠

二

翩翩驄馬驅橫行復斜趨先救遼城危後拂燕山霧風
傷易水湄日入隴西樹未得報君恩聯翩終不住

同前

徐陵

白馬號

一作字

龍駒彫鞍名鏤衢諸兄二千石小婦字羅

敷倚端輕掃史

史一作

召募擊休屠塞外多風雪中絕

詔書空憶長楸下連蹠復連跗

同前

江總

長城兵氣寒飲馬詎為難
斃解青絲繫行歇鏤衢鞍白
登圍轉急黃河凍不乾
萬里朝飛電論功易走丸

騄馬

車
敝

騄馬鏤金鞍柘彈落金丸
意欲驂驪走先作野遊盤
平明發下蔡日中過上蘭
路遠行須疾非是畏人看

同前

庾抱

櫪上浮雲驄本出吳門中發跡來東道長鳴起北風迴
鞍拂桂白赭汗類塵紅滅沒徒留影無因圖漢宮

同前

楊炯

驄馬鐵連錢長安俠少年帝畿平似水宮路直如絃夜
玉裝車軸秋金一作風鑄馬鞭風霜但自保窮達任皇天

同前

沈佺期

西北五花驄來時道向東四蹄碧玉片雙眼黃金瞳鞍

上留明月嘶間動朔風借君馳沛艾一戰取雲中

同前二首

杜甫

鄧公馬癖人共知初得花驄大宛種夙昔傳聞思一見
牽來左右神皆竦雄姿逸態何嶮峻顧影驕嘶自矜寵
隅目青熒夾鏡懸肉駿硜硜連錢動朝來久試華軒下
未覺千金滿高價赤汗微生白雪毛銀鞍却覆香羅帕
卿家舊賜公能取天廐真龍此其亞晝洗須騰涇渭深
朝一作晨趨可刷幽并夜吾聞良驥老始成此馬數年人

更驚豈有四蹄疾於鳥不與八駿俱先鳴時俗造次那
得致雲霧晦冥方降精近聞下詔喧都邑肯使一作騏
麟地上行知有

二

安西都護胡青驄聲價欬然來向東此馬臨陣久無敵
與人一心成大功功成惠養隨所致飄飄遠自流沙至
雄姿未受伏櫪恩猛氣猶思戰場利踠促蹄高如踣鐵
交河幾蹴層冰裂五花散作雲滿身萬里方看汗流血

長安壯兒不敢騎走過掣電傾城知青絲絡頭為君老
何由却出橫門道

右二詩三百四十四卷重出今已削去

同前

萬楚

金絡青驄白玉鞍長鞭紫陌野遊盤朝驅東道塵恒滅
暮到河源日未闌汗血每隨邊地苦蹄傷不憚隴陰寒
君能一飲長城窟為盡天山行路難

同前

紀唐夫

連錢出塞蹋沙蓬，豈比當時御史驄。
逐北自諳深磧路，連嘶誰念靜邊功。
登山每與青雲合，弄影應一作知碧
草同。今日虜平將換妾，不如羅袖舞春風。

白馬

沈約

白馬紫金鞍，停鑣過上蘭。寄言狹斜子，詎知隴道難。
赤坂途三折，龍堆路九盤。冰生肌裏冷，風起骨中寒。
功名志所急，日暮不遑餐。長馳一作驅入右地，輕舉出樓蘭。
直

去已垂涕，寧可望長安。匪期定遠封，無羨輕車官。惟見

恩義重豈覺衣裳單本持軀命答幸遇身名完

同前

王僧孺

千里生冀北玉鞘黃金勒散蹄去無已搖頭意相得豪
氣發西山雄風擅東國飛鞚出秦隴長驅繞岷嶰承謨
若有神稟箕良不忒潞汨河水黃參差嶂雲黑安得一作

能對兒女垂帷弄毫墨兼弱不稱雄後得方為特至思

一作此心亦何已君恩良未塞不許跨天山何由報皇德

同前

徐悱

研蹄飾鏤鞍飛鞚度河干少年本上郡遨遊入露寒劔
琢荆山玉彈把隋珠丸聞有邊烽急飛候至長安然諾
竊自許捐軀諒不難名一作兵出細柳轉戰向樓蘭雄
名盛李霍壯氣勇彭韓能令石飲羽復使髮衝冠要功
非汗馬報効乃鋒端日沒塞雲起風悲胡地寒西征馘
小月北去腦烏丸歸報明天子燕然石復刊

同前

隋煬帝

白馬金貝裝橫行遼水旁問是誰家子宿衛羽林郎文

犀六屬鎧寶劍七星光山虛弓響徹地迴角聲長宛河

推勇氣隴蜀擅威強輪臺受降虜高闕剪名王射熊入

飛觀校獵下長楊英名

一作雄

欺衛霍智策茂平良島夷

時失禮卉服犯邊疆徵兵集薊北輕騎出漁陽進軍隨

日暈挑戰逐星芒陣移龍勢

一作膝

動營開虎

一作鴈

翼張

衝冠

一作冠

入死地攘臂越金湯塵飛戰鼓急風交征旆

揚轉鬪平華地

一作麗

追奔掃鬼方本持身許國况復武

功彰會令千載後流譽滿旂常

同前

王 胄

白馬黃金鞭蹀躞柳城前問此何鄉客長安惡少年結

髮從戎事馳名振朔邊良弓控繁弱利劍揮龍淵一作泉

披林扼彫虎仰手接飛鳶前年破一作絕沙漠昔歲取祁

連折衝摧右校塞旗殪左賢昆一作虎左傳有力如虎者彌還謝力

慶忌本推僂海外平一作憑遐險來庭識負寨一作職三一作懲

韓勞薄伐六事指幽燕良家選河右猛將徵西山浮雲

屯羽騎蔽日引長旃自矜有餘勇應募忽爭先王師已

得雋夷首諒失

一作失求

全鼓行徇玉檢

一作王儉

乘勝蕩朝鮮

志勇期

一作期大

功立寧憚微軀捐不羨山河賞惟希竹

素傳

同前

辛得源

任俠重芳辰相從競逐春金羈絡赭汗紫陌映

一作縷應紅

塵寶劍橫

一作提

三尺琱弓韜六鈞鳴珂蹀細柳飛蓋出

宜春遙見浮雲

一作光

發懸識隴頭人

同前

杜甫

白馬東北來空鞍貫雙箭可憐馬上郎意氣今誰見近
時主將戮中夜商於戰喪亂死多門嗚呼涕如霰

同前

李白

龍馬花雪毛金鞍五陵豪秋霜切玉劍落日明珠袍關
雞事萬乘軒蓋一何高弓摧南山虎手接泰山猱酒後
競風采三杯弄寶刀殺人如剪草劇孟同遊遨發憤去
函谷從軍向臨洮叱咤經百戰一作萬戰場匈奴盡奔逃歸
來使酒氣未肯拜一作蕭曹蓋入原憲室荒徑隱蓬蒿

同前

賈至

白馬紫連乾嘶鳴丹闕前
聞珂自躩蹠不要下金鞭

同前

翁綬

渥洼龍種雪霜同
毛骨天生膽氣雄
金埒乍調光照地
玉闕初別遠嘶風
花明錦襜垂楊下
露濕朱纓細草中
一夜羽書催轉戰
紫髯騎出佩驂弓

發白馬

費昶

家本樓煩俗投募
羽林兒怖羗角觝
戲習戰昆明池弓

弛不復挽劔衣恒露鉞一辭豹尾內長別屬車垂白馬
今雖發黃河未結澌寄言閨中婦逢春心勿移

此詩元編在白馬門按樂府白馬乃津名故加發
字與白馬不同今移于後

擬飲馬長城窟

陳後主

征馬入他鄉山花此夜光離羣嘶向影因風屢動香月
色含城暗秋聲雜塞長何以酬天子馬革報疆場

同前

王 褒

北走長安道征旅

一作騎

每經過戰垣臨八陣門樓

一作旌門

對兩河屯兵戍隴北飲馬傍城阿雪深無復道冰合不

生波塵飛連陣聚沙平騎跡多昏昏隴底日

一作月耿耿

霧中河羽林猶角觝將軍尚雅歌臨戎常拔劍蒙險屢
提戈秋風鳴馬首薄暮欲如何

同前

張正見

秋草朔風驚飲馬出長城羣驚還怯飲地險更疑行傷

冰

一作水

斂

一作驚

凍足畏冷急寒聲無因度吳坂方復入

羌城

同前

隋煬帝

肅肅秋風起悠悠行萬里萬里何所行橫漠築長城豈

台小子智先聖之所營樹茲萬代策安此億兆生詎敢

憚焦思高枕於上京西河執

一作北河兼

武節千里倦

一作捲

戎旌山川互出沒原野窮超忽縱金止行陣鳴鼓興士

卒千乘萬騎動飲馬長城窟秋昏塞外雲霧暗關山月

緣山巖驛馬上乘空烽火發借問長城

一作安

候單于入朝

謁濁氣淨天山
晨光照高闕
釋兵仍振旅
要荒事方舉
飲至告言旋
歸功清廟前

同前

唐太宗

塞外悲風切
交河水已結
瀚海百重波
陰山千里雪
迴戍危烽火

一作起

層巒引高節
悠悠卷旆旌
飲馬出長城

寒沙連騎跡
朔吹斷邊聲
邊塵清玉塞
羌笛韻金鉦
絕漠干戈戢
車徒振原隰
都尉反龍堆
將軍旋馬邑
揚麾氛霧靜
紀石功名立
荒裔一戎衣
雲臺凱歌入

同前

虞世南

馳馬渡河干流深馬渡難前途錦車使都護在樓蘭輕
騎猶銜勒疑兵尚解鞍溫池下絕澗棧道接危巖拓地
勲方一作未賞亡城律詎寬有月關猶暗經春隴尚寒雲
昏無復影冰合不聞湍懷君不可遇聊持報一餐

同前

袁朗

朔風動秋草清蹕長安道長安道一作城連不窮所以隔華
戎規模惟聖作負荷曉成功鳥庭已向內龍荒更鑿空

玉闕塵卷靜金微路已通揚

一作湯

征隨北怨舞

一作舞

詠

起南風畫野

一作地

功初立綏邊事云集朝服踐狼居凱

歌旋馬邑山響傳鳳吹霜華藻瓊釵屬國擁節歸單于

款闌入日落寒雲起驚河被原隰零落葉已寒河流清

且急四時徭役靜千載干戈戢太平今若斯汗馬意一作

竟無施惟當事筆硯歸去草封禪

同前

陳標

日日風吹虜騎塵年年飲馬漢宮人千堆戰骨那知主

萬里枯沙不辯春浴谷氣寒愁墜指斷崖冰滑恐傷神
金鞍玉勒無顏色淚滿征衣怨暴秦

· 同前

釋子蘭

遊客長城下飲馬長城窟馬嘶聞水腥為浸征人骨豈
不是流泉終不成潺湲洗盡骨上土不洗骨中冤骨若

逐水流

一作流水

四海有還魂空流嗚咽聲聲中疑

一作骨是

言

走馬引

張率

良馬龍為友玉珂金作羈相去京

一作宛

與洛半驟復平

一作半馳倏忽而千里光景不及移九方惜未見薛公寧

所知歛轡且歸去吾畏路旁兒

同前

傅緯

驄馬表連錢出冀復來燕取用偏開地為歌乃號天權
奇意欲遠躡蹠勢難前本珍白玉鐙因飾黃金鞭願酬
芻秣寵千里得千年

愛妾換馬

張祐

一面天桃千里蹄芳

嬌一作

姿駿骨價應齊試

一作牽玉

勒趨

一作辭

金埒

一作棧

初

一作催

整花鈿出繡闈去日豈無

霑袖

一作袂

泣別時猶解


一作歸時還有

頰銜嘶嬋娟蹀躞春風

暮

一作裏

揮手搖鞭楊柳堤



文苑英華卷二百九